

# Tawnsheeshi chi weechihit toon zawnfawn soon la sarvel di sawntee shawpou en malajee kaw-awshoupayikic

Maykwawt oohin ka kwayshkipayik akwa muwnayshkaw kaywin li tawn, ah pou itikway ki ayayitayhtemin ouschi toon zawnfawn keema yet zhenn soon la sarvel di sawntee meena miywayawin, sourtoo maykwawt ooma en malajee kaw-awshoupayik namoo nakeewin pawsee li tawn. Mischayt li zawnfawn akwa li yet zhenn ki kwawtakistaw chi nakayawshka kahkiyuw ouschi kwayshkipayiwun ka ishpayik si pawsee mischayt li mwawn ayis ouschi COVID-19. Akouschi, ka ki wawpastayn li tawn di li tawn toon zawnfawn keema yet zhenn tuhkinay ayayitayhtemwak, il i kajeuk, kashkayistam, keema pa arawnzhee. Ah pou itikway chikee wawnayistum keema kishiwashiw akoushishi mawna nawashwaywina ahkaamay ouhtamihikawiwun keema ah pou itikway chikee ji taynket chipataha kaykwuy ka ki pakoshayimoot poor kinwaysh. Mischayt li zhawn d'ikol nahkatwayihtumwak ay-pataha aenportaan soon nouvrazh dikol akwa chikee itamaschihouhk zhi norveu kaykwuy ouschi chi ishpayik daan neu l'ikol aen naw. Kahkiyuw aykwawnihi ka itamaschihouhk keetatayistawkwun maykwawt namoo ka kishkayistakwahk li tawn.

Kishkayistaynaw aykwawnima awtist li zhawn d'ikol akwa li famee/kenawayhchikaywak kimooshihtaw mitouni kakwawtakistawwuk akwa wanistowin shawpou ooma en malajee kaw-awshoupayik. Mawshkoot toon zawnfawn keema zhenn kitahkounam ayiwawk ispischi kootakak, meena ki nanihkipayin keeshpin ay miywayayin.

Tawnsheeshi ka kiweechihaw toon zawnfawn keema yet zhenn chickenawayhtahk maintain si bonn la sarvel di sawntee ishpi en malajee kaw-awshoupayik ayshkam? Tawnsheeshi chikishkayistamin keeshpin toon zawnfawn keema yet zhenn is mooshihtaw la sarvel di sawntee li troub aykwawnima natawayihtakwun ayiwawk weechihiwaywin? Niki kwayachitawnan awtist nashkoumiwaywin ishi oohin lee kesyoon awn baw.

## [Keeshpin li emergency](#)

Ashkaw ka kinataweyihtaen weechihiwawin. Keeshpin kiya keem awiyek chi kishkaymit mooshihtaw la sarvel di sawntee keema li michinn awpachistawin li emergency, taypwayhkun mayipayiwun aen foonn, taypwatik naanbulans, keema itohtay li emergency la roum itay toon mouhchi outa ouschi la pital. Kiyawn maykwawt ooma mitouni difarawn li tawn, mitoui aenportaan chi natonamin shaymawnk weechihiwayin kanatawayihtamin. Itakouwak li moond akwa meena chiweechihiwaywak.



Pishishkayshtumowin: Keeshpin ka kee-oukayhk li emergency la roum, chikee kwayachi itayistamin chipakitimishooyin didawn “wawpaschikaywin” poor COVID-19 didawn awtisit ouschi kahkiyuw kwayesh kawshitouchikawtayk maykwawt ooma. Kakwaychimikawin chi poostiskamin aen mask. Kaya kakway shaykishi kishkayista aykwawnima kahkiyuw kwayesh piko kawshitouchikawtayk, akwa tapishkoot tawnsheeshi kishaywawtshiwak kaw-shapookishkayistumwak pakitinamin weechihwaywin.

Keeshpin namoo wiya kaychinahow aen emergency, keema chi mouschi peekshkwayin shawpou ooma kaw-ayishpayihk, itayht chi kawshchitinichik Telehealth Ontario itay 1-866-797-0000, keema li troub aen foonn keema mobile mayipayiwin chim daan toon a lawntour. Wawpasta mashnaykaywin awn baw poor ayiwawk li noombr.

## Li yet zhenn-nahapahchikaywin la sarvel di sawntee weechihwaywin hub

Niki en partineuz weechayhtoowin avek Jack.org akwa Aen Foonn di Li Zawnfawn Weechihwaywin chi oushistawhk [online hub ouschi COVID-19 li yet zhenn-nahapahchikewin la sarvel di sawntee weechihwaywin](#) chi weechihichik li yet zhenn chi kenawaymishouchik akwa a leu deu. Madoon aan paar mishiway itay avek li yet zhenn moond didawn toon pimawtishiwin.

Lee kesyoon akwa nashkoumiwaywin

[Tawnsheeshi niki kenawayimaw moon zawnfawn keema yet zhenn kwayesh la sarvel di sawntee maykwawt ooma COVID-19 en malajee kaw-awshoupayik?](#)

Ishi li parawn/kenawayhchikaywak akwa li famee maambr, si bonn kaykwuy chi itotamin si kenawayistamin kishkayhtamouhiwayhk avek kiyawin li zawnfawn akwa yet zhenn meena awn jeurawn akwa chinishtoutamin.

Nikwayachitanawn oohin par pchi braen chi maykiwiwin awtist aen nidii chi kishkishiin. Mawka, kiya kishkayimow toon zawnfawn nawut, akooshee itayht oohin par pchi braen ouschi kiya toon li famee/kikiwahk kaw-ayishpayihk.

Poor Ptsi Li Zawnfawn

- **Kaya shaykishi.** Li zawnfawn kenawawpamikonanak poor tawnsheeshi aen i va ripondee ishi ayimun kaw-ayishpayihk kaykwuy. Kishkishi, kiya keeshpin namoo kishaykishin, ki weechihaw toon zawnfawn ekawiya chi shaykishit. Chi itayistamin tawnsheeshi chikee kashkistahk li troub kawtahkounamin



(kapeekishkwihk avek aen namee keema Pleu Vyeu, shipapawmoustayhk, kawawpahtamihk kishchayhtemin, etc.) akoushihi si bonn kaykwuy kakashkistayin didawn weechihit toon li zawnfawn. Keeshpin ki oushawmi kimooshihtawn nahooyi keema mitouni ayayitayhtemwak, nakee meena paktatawmoow avawn chi peekishkwayin avek toon zawnfawn.

- **Chi wayschishik.** Ooma en malajee kaw-awshoupayik, ouschi piblik la sawntee nakinikaywina, akwa tapishkoot ouschi paakwatitowin, kitimahiwaywin akwa wawnaychikaywin kimooshihtawn oushawmi nahooyi akwa awymen. Ihtakoun mischayt weehstamakaywin chi-ayawyahk shaymawnk. Ka kiweechihaw toon zawnfawn chi peekonamin ishi ayiwawk ii teezi paminikaywin aen seksyoon akwa nahapahchikewin kaykwuy aykwawnihi nawut aenportaan poor wiyawow. Tapishkoot, kishkishoomik wiyawow kenawaymawak, chi weestamin aykwawnihi ka kipihtinikawtaykihik chi ishpayik ka weechihikow akwa kootakak pat dawnzhee didawn a lawntour ouschi la malajee, weestamowik chi kisheepaykishchihchayt tapitowi akwa chi pooshtishkakh enn mask, weechihiwewin poor kahkiyuw awiyek, etc. Ka ayahk awtist la lawng chi weechihikow kanishitoohta kaw-ayishpayihk, aykwawnima chi peekishkwatamin didawn namoo kishaykishiwini, chikee weechihikow.
- **Natousta.** Pakitin toon zawnfawn chi peekishkwayt tawnshi etamahchihout. Nishtawina pikwayihtamoowin akwa weechihik chi nishtawina. Ka ki itwayin, *“Wee, niwawpastaen ayayitayhtemin etamahchihouyin” keema “namoo wiya nanitaw ka etamahchihouyin chi kishiwashiyin ekaya ki wawpamit toon koohkoom maykwawt.”* Awtist li zawnfawn namoo wayschipayin chi peekishkwatahk wiya ka isi itamaschihouhk keema ishi peekishkwaywin chi kishkayista akwa chi nishtawina jeufarawn etamahchihouwin. Keeshpin kiwawpastaen jeufarawn ay-itahkamikshichik, ka ki itwayin. *“Si paasi keeshpin kiayayitayihataen ka itamaschihouyin, keema gashkayistaen?” akwa, “kaykwuy ki weechihikoun chi nawut pleu boon?”*
- **Kenawayista weehstamakaywin lawzh nahi ashtayk.** I va ripondee toon zawnfawn see kesyoon ouschi en malajee kaw-awshoupayik akwa ouschi li piblik la sawntee nakinikaywina mitouni kwayesh si posib mawka kenawayista kanashkoumiway lawzh nahi ashtayk. Wawpasta ooma [Ayiwawk weechihwaywin enn seksyoon](#) awn baw poor shakamouhtawin ishi mitouni kwayesh weehstamakaywin weechihwaywina ouschi COVID-19. Wawpasta toon l’ikol la bonch kakishkayhtamouhiwayhk chikishkayistamin ouschi pat dawnzhee paminikaywin akwa pimipayihtawin didawn l’ikol.
- **Nakinika nakishkataywin.** Miyashka chi natohtamin keema chi wawpastamin lee nouvel ka pimouhtaymakun ousch en malajee kaw-awshoupayik avek ptsi li zawnfawn akoota. Miyashka chiayawyin en grawn parsonn peekishkwaywin ouschi ki ayayitayhtemowin neekawn akoota li zawnfawn. Awnkourazhee vyeu li zawnfawn chipishishkayista ouschi soon nakishkatoowin daan li computer



kaawpachista akwa chiayiwiput aykwawnima ouschi. Weechihik mitouni chi itaystahk kaykwuy ka ayistat daan li computer, ka enn sort listwayr ouschi la vayritee.

- **Kakwe kenawayista kakishkayhtamihk kawshitoutamihk poor toon zawnfawn.** Maykwawt chikishkayhta daan soon weekiwawhk, mischayt li famee li mem awpachistawak, mawka wayschipayin, li tawn poor koushkoupayiwinn akwa nipawin, akwa meena ahpou itikway poor chimeechishouhk akwa apsheesh kamichisohk. Ahpou itikway kioushistawn tout sort dafayr akwa kishkayistaen kaykwuy ka apatahk poor toon li famee keema kikiwahk, akwa kaykwuy namoo wiya. Ooma l'ikol aen naw, ka ki awpachistawn oohin kamishkamin chi awpachitahk kaykwuy keestwawn chi ishpayink.
- **Awn jeurawn akwa chinishtoutamin.** Ka ki wawpastayn kwayshkipayin ka ay-itahkamikshichik toon zawnfawn maykwawt kaayimun li tawn avek ouschi en malajee kaw-awshoupayik keema kootak kaykwuy. Li zawnfawn ripoonnd jeufarawn ishi kwayshkipayiwinn didawn kawshitoutamihk akwa li troub. Ahpou itikway ji taynket ayiwawk nawut, keema ayiwawk pikwayihtamoowin, keema chikee itoutam kaykwuy ka ki itouta ishpee aen ptsi lawzh. Kakwe nishitohta avek toon zawnfawn, ayish ahpou itikway aendwayihtam ayiwawk kushkihtawmouhiwaywin akwa kaya shaykishi maykwawt ooma la tawn .

Poor Yet zhenn, didawn ayiwawk ouschi awn layr par pchi braen, oohin itahtou chikee weechihikoun:

- **Awn jeurawn akwa chinishtoutamin.** Itaystahk ishpee kiya yet zhenn akwa tawnsheeshi aenportaan toon nakishkatoowin mamowwiitowin (akwa meena kiyapit!). Yet zhenn nahkatwayihtum avek apsheesh nakishkatoowin mamowwiitowin akwa kipihtinikawtaya kaykwuy ka etahkamikuhk. Aykwawnima chikee emiyayhtamihkakh. Kakwe awn jeurawn akwa chinishtoutamin – kaya ashaynanamik wiya ka isi itamaschihouhk. Chaykwut, natousta, kayshchinahouhk, akwa nookohta kishaywatishoowin.
- **Awnkourazhee en balawns.** Awtist yet zhenn chikee natounam streaming platforms, nakishkatoowin daan li computer, keema ka maentawayh poor chiwunishkwayhikoow zhour-di-zhour chi ishpayihk ouschi en malajee kaw-awshoupayik—aykwawnima keetatayistawkwun akwa ahpou itikway meena ki natounaen keetatayistawkwun. Yet zhenn chikee meena mitouni ayayitayhtemwak ouschi l'ikol ka ishi itouta meena chikee ayiwawk itahkamikishoo daan li computer chikishkayhta daan li computer keema chi poonistaw atoushkaywin. Mawka, oosam mistahi daan li computer chikee machi itochikemakan didawn la sarvel di sawntee. Chiayiwipihk aykwawnima chikee weechihikoun. Kakwe awnkourazhee li mem nipawin, si bonn meetshouwin, akwa li tawn di dahor ishpee si posib. Ka ki natoumaw toon yet zhenn chi itouhtayw dahor poor tou lee zhour shipapawmoustayhk avek kiya, awnkourazhee chi



maytawayw board maentawaywin, keema chi keeshtaypouyek awsawmbl. En balawns li tawn daan li computer avek kotaka nawashwaywina ki weechihkoun avek miywayawin. Madoon wawpasta ooma weehstamakaywin li papyee [Ka-Weechihit Toon Zawnfawn Pamina Daan li Computer Awpacihchikanaa](#) poor ayiwawk weehstamakaywin.

- **Nakee avawn chi peekishkwayin.** Avek mitouni mishtahi la nouvel kantouhchikawtayk akwa peekishkwaywak ouschi COVID-19, akwa kootak li troob ka etahkamikuhk avek ouschi paakwatitowin akwa kitimahiwaywin aykwawnihi ouhpinam ayimun chi ishpayihk pikwayihtamoowin, ayiwawk nakishkataywin mitouni si posib. Ka ki maykin chi ayiwiput toon yet zhenn kaya chi peekishkwachikawtayk ooma kaw-ayishpayihk neekwawn wiyawow. Akwa meena, si aenportaan chi oushishtahk en shaans poor itayistamowin didawn akwa kakaykina ooma ka etahkamikuhk chi ishpayik washakam wiyawow. Tapishkoot, mischayt li famee/kikiwahk ki outinam li tawn chi itayista didawn oohin noo enmark en fous ouschi li zawnfawn dahor daan itaykawweekihk l'ikol didawn Kenadaw, akwa ooma li damaazh akwa kichimawkaymowin avek ooma. Ishpee toon yet zhenn weestam li troob ka nahkatwayihtahk ishi wiyawow, oushistaw li space poor wiyawow chi kochiwahpatahiwayhk soon itayhtamouwina akwa ka itamaschihouhk, mina maykik peekishkwaywin chi weechihwayweyin ka kayshchinahookh wiya ka isi itamaschihouhk.
- **Natousta mina mayki kushkihtawmouhiwaywin ishpi ki kashkistawn.** Awtist yet zhenn chikee ayayitayhtemwak ouschi la sawntee ouscih see namee akwa li famee maambr, ka mishowayitaymaka ouschi en malajee kaw-awshoupayik mouhchi outa akwa mishiway itay, keema ouschi ka wanistaw a l'ikol di tawn akwa soon kashkistawin chi poonistat see klaas. Keeshpin nookohtaw ka nahkatwayihtahks ishi kiya, natousta ka nahkatwayihtahk akwa kakwe mayki kushkihtawmouhiwaywin. Ka ki peekishkwataw tawnsheeshi la sort ka ashtayki chi kenawaymihchik li moond, tawnsheeshi eki kwayachihooyin ishi li famee/kikiwahk, akwa tawnsheeshi pimatishiwin neu kawi payakwun. Poor yet zhenn aykwana ka nahkatwayihtahk ousci ka wanistaw a l'ikol di tawn akwa chi poonistat see klaas, kushkihtawmouhik l'ikol atoushkaywak nishitohtamwak akwa kischeetayistam ka nahkatwayihtahk. Weesta ayiwawk weehstamakaywin chi takoopayin akwa awn sawmbl ka atoushkataynawow.
- **Weehta toon zawnfawn ka itamaschihouhk.** Eka katach chikakwayahoo ka poonistahk la mizayr, pakitina li tawn chi natoustawit akoushishi toon zawnfawn chikee mitouni chi peekishkwatahki wiya ka isi itamaschihouhk. Natousta akwa weechihik chi weesta ka itamaschihouhk. Tapishkoot, keeshpin toon yet zhenn weestam ka itamaschihouhk il i kajeuk, akwa apsheesh weestam kaykwuy kapachihkakoot, chikee itayistamin kawi chiwawpastamin kaykwuy tapishkoot, *"Wee, aykwawnima moonayihakwun, kayscheenach ki itamaschihoun il i kajeuk maykwawt, akouz namoo ekee eyawyen avek toon namee akoushi mawna ka ki*



*itoutamin, akwa akouz kiya ki itamaschihoun kipahikashouwin kikiwahk, akwa akouz ki patahayn mishtahi kaykwuy ka ki pakoshayimooyin.” Wawpastahway mitouni enishtoutamin ki weechihikoun anavaan chi itouhtayin ishi aen chim.*

### [Kaykwuy anihin wawpahchikawtaywin moon zawnfawn keema yet zhenn ahpou itikway ayimihikoo avek soon la sarvel di sawntee?](#)

Ashkaw kwayshkipayin ay-itahkamikshichik keema pikwayihtamoowin aykwawnihi wawpahchikawtaywin li zhawn d'ikol natawayihtamwak ayiwawk weechihwaywin poor soon la sarvel di sawntee.

Oohin awtist wawpahchikawtaywin chi pishishkapastamin:

- Kwayshkipayin ay-itahkamikshichik keema pikwayihtamoowin aykwawnima tapishkoot nawut paa rizanaab kiyawn ouschi maykwawt ooma ka ishpayik (tapishkoot, kishiwashiwin mshikeekowtaw, shiniwawtayhtem wawpaschikawtayw, itamaschihouhk shaykishiwin).
- Kwayshkipayiwinn chikee mawna poor zhournee, tapitow tou lee zhour.
- Kwayshkipayiwinn chikee mawna poor kinwaysheesh ikohk li tawn (tapishkoot, ayiwawk payyek en smen).
- Kwayshkipayiwinn tapishkoot mawna oustamihikiw avek toon zawnfawn keema yet zhenn soon itayhtamouwina, itamaschihouhk, keema tou lee zhour kawshitoutahk kaykwuy – tapishkoot, ahpou itikway namooya nawashwaywina chihkayistam, tapitowi mawna mawtoow, keema ahpou itikway namooya mamowwiitow avek kiya tapishkoot mawna ka ki itouhtahkik.
- Toon zawnfawn keema yet zhenn kiweestamak ka itamaschihouhk il i kajeuk keema li narveuous mishtahi.
- Keeshpin toon zawnfawn nookohtaw itayhtamouwina eweeshakahishoot keema ishi totam aen kakwe nipayishook ay-itahkamikshichik, natona weechihwayin ouschi la sarvel di sawntee kaw-shapookishkayistumwak shaymawnk (wawpast li emergency kawshitouchikawtayk awn layr akwa awn baw).
- Ahpou itikway chi kawi wawpastamin ooma weehstamakaywin li papyee ouschi [Kiwapastaen La Sarvel di Sawntee Ka Nahkatwayihtahk poor Toon zawnfawn keema AVEK KENAWAYMISHOUWIN – Tawnsheeshi kishkayistaen keeshpin ka nahkatwayihtaen ouschi toon zawnfawn/yet zhenn soon la sarvel di sawntee akwa miywayawin?](#)

### [Tawnsheeshi chi weechihak moon zawnfawn avek soon la sarvel di sawntee?](#)

Keeshpin ka nahkatwayihtaen ouschi toon zawnfawn soon la sarvel di sawntee, mitouni neekawn aen step si peekishkwayin avek toon zawnfawn keema yet zhenn. Oohin awtist



par pchi braen ouschi [tawnsheeshi chi peekishkwayin avek toon zawnfawn keema yet zhenn](#) ishpee itamaschihouhk ka nahkatwayihtaen ahpou itikway ekekwtakihtow avek la sarvel di sawntee la mizayr.

Keeshpin chi weestamashk kaykwuy aykwawnima ki ayayitayhtemin (tapishkoot, itayhtamouwina ouschi nipayishoohk, oushawmi nahooyi azhitee, wiya-weeshakahishoo ay-itahkamikshichik tapishkoot menishooshow) kushkihtawmouhik toon zawnfawn emiyeustamin kaweesta akwa ka weechihaw chi natonamin miyou kaw-shapookishkayistumwak chi peekishkwatat, akwa meena kiya akoota ka-ayawn chi weechihichik shawpou ooma aen wayaezh.

Li Zawnfawn soon La Sarvel di Sawntee Ontario ki maykiw [par pchi braen didawn chi peekishkweyin ishi li narveu li zawnfawn ouschi COVID-19.](#)

### [Tawnsheeshi niki kawschitinaen weechihiwaywin poor moon zawnfawn keema yet zhenn soon la sarvel di sawntee?](#)

Keeshpin kiya keema toon zawnfawn keema yet zhenn mooshihtaw la sarvel di sawntee li emergency, taypwayhkun naanbulans keema itohtay li emergency la roum didawn mouhchi outa ouschi la pital.

Itahto Ontario l'ikol la bonch ayawaywak La Sarvel di Sawntee Neekawneew aykwawina chikee maykiw weehstamakaywin mouhchi outa ouschi weechihiwaywina chikee ihtakoun poor kiya. Ka ki [mishkawow toon La Sarvel di Sawntee Neekawneew didawn daan website outa.](#) Oohin awtist kootaka kishkishomiwaywin.

- Li zawnfawn akwa yet zhenn chikee peekishkwaywak avek li kounsayee 24/7 taypwayhkun Aen Foonn di Li Zawnfawn Weechihiwaywin itay 1-800-668-6868 keema mouhchimashinahikaywin CONNECT ishi 686868.
- Wawpasta toon mouhchi outa ouschi l'ikol la bonch soon website chi mishkamin keeshpin la sarvel di sawntee weechihiwaywina maykawtayw shawpou daan l'ikol la bonch maykwawt ooma.
- Taypwayhkun ishi toon li famee docteur chi kakweechihkaymouyin ouschi mouhchi outa ouschi weechihiwaywina ahpou itikway ka ki kawschitinayn.
- Li Zawnfawn soon La Sarvel di Sawntee Ontario li zhawnsree youhtaynikawtayk akwa maykiw weechihiwaywin ishi li zawnfawn akwa li yet zhenn daan li computer akwa aen foonn. Namooya katac li docteur soon itishahikashouwin nataweyihtakwan akwa namooya OHIP en kart si nissisayr chi kawschitinamin weechihiwaywina. [Mishka Li Zawnfawn soon La Sarvel di Sawntee Centre didawn toon a lawntour.](#)



- [Pakoushaymouwin poor Miywayawin Weechihwaywin](#) (1-855-242-3310) pakitinam la sarvel di sawntee la kounsayee akwa mayipayiwinnakinikaywin ishi kahkiyuw Indigine li moond kushkimik Kenadaw.
- Ooma Michif la Nawsyoon Ontario (MNO) maykiw [24-en nor La Sarvel di Sawntee akwa Addictions Mayipayiwinn aen Foonn](#) avek li culturally ispray la sarvel di sawntee akwa addiction weechihwaywina poor en grawn parsonn, li yet zhenn, akwa li famee didawn Ontario tou lee deu l'Awnggh akwa Lee Kenayaen, madoon taypwayhkun: 1-877-767-7572.
- Ooma Li Promyee Nawsyoon Itaykawweekihk L'ikol Li a Disidee di Sawntee Weechihwaywin Paaminikaywin ayow aen Tooroon Not Grawn Piyee Li Promyee Nawsyoon Itaykawweekihk L'ikol Mayipayiwinn aen Foonn (1-866-925-4419) aykwawnima maykiw shaymawnk pikwayihtamoowin weechihwaywin poor nishtam mawna Li Promyee Nawsyoon Itaykawweekihk L'ikol li zhawn d'ikol. Ihtakon 24 en nor en zhournee, set lee zhournee aen smenn.
- [Aen nwayr Li yet Zhenn Weechihwaywin](#) (416-285-9944 keema nou kaykwuy kitipahaen 1-833-294-8650)
- [LGBT Li yet zhenn Aen Foonn](#) (mouhchimashinahikaywin 647-694-4275) maykiw kiimootan akwa namoo-atawmimiwayhk gisheetayimitouwin weechihwaywin shawpou aen foonn, mouhchimashinahikaywin akwa mouhchipawhpeekishkwaywin weechihwaywinaa.
- [Trans Lifeline](#) (877-330-6366)
- Awpachistaw [Ontario 211](#) chi mishkamin weechihwaywina ka ihtakoun daan toon a lawntour.
- Kouchee [Aen Foonn di Li Zawnfawn Weechihwaywin Around Me](#).
- Ayiwawk [La sarvel di sawntee Weechihwaywin poor Indigene Li zhawn d'ikol](#)

